

NË EMËR TË POPULLIT

GJYKATA THEMELORE NË GJAKOVË-Departamenti i Përgjithshëm, Gjyqtarja Ilirjana Hoti, me sekretaren juridike Flutur Nagavci, në çështjen penale kundër të akuzuarit F. H. nga fsh. R. K. Gjakovë, për shkak të veprës penale të vjedhjes së shërbimeve komunale nga neni 320 të KPRK-së, sipas Aktakuzës të Prokurorisë Themelore -DP në Gjakovë, PP.nr. 498/17 të dt.25.05.2017 ,në shqyrtimin fillestar, të mbajtur më datë **18.09.2017**, në prani të Prokurorit së shtetit Bajram Kryeziu dhe të akuzuarit, të njëjtën ditë mori dhe publikisht shpalli këtë:

A K T G J Y K I M

I akuzuari **F. H.** nga fsh. R. ,K- Gjakovë , i biri i A. dhe i nënës S. e gjinisë Th., data e lindjes..., ka te kryer shkollën e mesme , i pa punë ,i gjendjes se dobët ekonomike , shqiptar, shtetas i R. Kosovës, i martuar at i 2 fëmijëve, me nr. ID...,

Ë s h t ë f a j t o r**Sepse :**

- nga data e pavërtetuar e gjerë me dt.25.10.2016, në shtëpinë e tij në R., K-Gjakovë, me qëllim që ti sjell vetit pasuri në mënyrë të , ka shfrytëzuar në mënyrë të kundërligjshme energjinë elektrike në atë mënyrë që gjatë kontrollit është konstatuar se jashtë njehsorit elektrik nr. 35003175 përmes kabllor është lidhur direkt në rrjetin elektrik , me këtë veprim ka penguar regjistrimin e saktë të energjisë elektrike të shpenzuar , gjendje kjo e konstatuar nga personat e autorizuar të KEDS-Distrikti Gjakovë me dt. 25.10.2016, me çka të dëmtuarës i ka shkaktuar dëme në vlerë 324.87 -€ ,

-me çka ka kryer veprën penale të vjedhjes së shërbimeve komunale nga neni 320 të KPRK-së

Andaj Gjykata në bazë te nenit 4,7,17,41,46,49,50,51,52 par.5, 73 ,neni 320 të KPRK-së dhe nenit 365 të KPP, të akuzuarit ia shqipton :

DENIM ME KUSHT

Dënim me burgim ne kohëzgjatje prej **3(tre) muajve** dhe dënim me gjobë ne **shumë prej 200.00 (dyqind) euro**, të cilat dënime nuk do te ekzekutohen nëse i akuzuari brenda kohës se verifikimit ne afatin prej 1 (një) viti, nuk kryen ndonjë veprë tjetër penale.

E dëmtuara KEDS-Distrikti ne Gjakovë , për realizimin e kërkesës pasurore juridike udhëzohet ne kontest civil.

I akuzuari obligohet që në emër të paushallit gjyqësor të paguaj shumën prej **30,00 €**, në afat prej **15 ditëve**, pasi që Aktgjykimi të merr formë të prerë ,nën kërcënim të përmbarrimit me dhunë.

A r s y e t i m

Prokuroria Themelore në Gjakovë, me aktakuzën PP.nr.498/17 të dt.25.05.2017,e ka akuzuar të akuzuarin F. H. nga fsh. R. K. Gjakovë , për shkak të veprës penale vjedhje e shërbimeve komunale nga neni 320 të KPRK-së.

Prokuroria Themelore në Gjakovë, me aktakuzën PP.nr.498/17 të dt.25.05.2017,e ka akuzuar të akuzuarin F. H. nga fsh. R. K. Gjakovë , për shkak të veprës penale vjedhje e shërbimeve komunale nga neni 320 të KPRK-së.

Prokurori i shtetit Bajram Kryeziu , në shqyrtimin fillestar me dt.18.09.2017, lexon aktakuzën PP.nr.498/17 të dt.25.05.2017 dhe deklaron se mbetet në tërësi pranë aktakuzës .

I akuzuari F. H., gjate shqyrtimin fillestar duke u deklaruar lidhur me fajësinë thekson se e pranon ne tërësi fajësinë sipas aktakuzës me te cilën pandehet duke i ditur edhe me parë pasojat e pranimi te fajësisë dhe atë në mënyrë vullnetare dhe pa presion ,shtojë se një veprim i tillë është konstatuar nga e dëmtuara por e kontestojë lartësinë e dëmit te përcaktuar nga e dëmtuara, meqenëse kjo shumë është tepër madhe duke marrë për bazë pajisjet te cilat janë hasur gjate kontrollit, e të cilat pajisje janë akoma në lokal, kërkoje falje nga e dëmtuara për demin kinse te shkaktuar, premtroje se një veprim i tillë me nuk do te përsëritet, andaj i propozoi gjykatës qe duke marr parasysh rrethanat lehtësuese si pranimi i fajësisë , pendimi i shprehur ne gjykate për veprën e kryer , premtimi se ne te ardhmen nuk do te përsëritet një gjë e tillë ,gjendjen e varfër ekonomike te me shqiptojë një dënim me te butë.

Duke u deklaruar lidhur me pranimin e fajësisë nga ana e të akuzuarit, prokurori i shtetit Bajram Kryeziu ,deklaron se nuk e kundërshton pranimin e fajësisë pasi që i njëjti është i vetëdijshëm për pasojat dhe favorret e pranimi te fajësisë dhe se aktakuza ka mbështetje ligjore dhe prova materiale që gjenden në shkresat e lëndës, e sa i përket lartësisë së dëmit të kontestuar nga pala e akuzuar meqenëse në shkresat e lëndës nuk kemi ekspertizë mbi lartësinë e dëmit atëherë i propozoi Gjykatës që pala e dëmtuar të udhëzohet në kontest civil për realizimin e kërkesës pasurore juridike.

Ne shqyrtimin fillestar gjykata ka vërtetuar këtë gjendje faktike:

Në tërësi u vërtetua se i akuzuari F. H. nga data e pavërtetuar e gjerë me dt.25.10.2016, në shtëpinë e tij në R.,K-Gjakovë, me qëllim që ti sjell vetit pasuri në mënyrë të , ka shfrytëzuar në mënyrë të kundërligjshme energjinë elektrike në atë mënyrë që gjatë kontrollit është konstatuar se jashtë njehsorit elektrik nr. 35003175 përmes kabllor është lidhur direkt në rrjetin elektrik , me këtë veprim ka penguar regjistrimin e saktë të energjisë elektrike të shpenzuar , gjendje kjo e konstatuar nga personat e autorizuar të KEDS-Distrikti Gjakovë me dt. 25.10.2016, me çka të dëmtuarës i ka shkaktuar dëm në vlerë 324.87 -€.

Gjykata gjendjen e këtillë faktike e ka vërtetuar nga vet pranimi i fajësisë nga i akuzuari i cili ne shqyrtimin fillestar vullnetarisht ka pranuar fajësinë ,për shkak te se cilës gjykata nuk ka administruar provat ,gjykata ka ardhur ne përfundim se pranimi i fajësisë nga i akuzuari është bere ne pajtim me nenin 248 te KPPK-ës. Gjate pranimi te fajësisë gjyqtari i vetëm gjykues konstatojë se i akuzuari ka kuptuar natyrën dhe pasojat e pranimi te fajësisë ,pranimi është bere vullnetarisht nga i akuzuari, pranimi i fajësisë mbështetet ne faktet dhe provat qe i përmban aktakuza ,në materialet e prezantuara nga prokurori i shtetit dhe çdo provë tjetër dhe se aktakuza nuk përmban asnjë shkelje te qarte ligjore ose gabime faktike dhe se nuk ekzistojnë asnjë nga rrethanat e parapara në nenin 253 par.1 dhe 2 të KPP-së.

Gjykata nga te cekurat me lartë ka ardhur ne përfundim se ne veprimet e te akuzuarit formohen te gjitha elementet e veprës penale te përshkuara si ne dispozitiv te këtij aktgjykimi dhe për këtë ka vendosur qe te akuzuarin ta shpall fajtor dhe ta gjykojë ne bazë te ligjit ,me pare duke vërtetuar përgjegjësisë penale juridike te tij.

Me rastin e matjes së dënimit ,gjykata ka pasur parasysh të gjitha rrethanat nga neni 73 të KPRK-së, të cilat ndikojnë në zbutjen apo ashpërsimin e dënimit. Rrethana rënduese nuk gjeti ndërsa si rrethana lehtësuese gjykata ka marrë parasysh personalitetin e të akuzuarit se është baba i 2 fëmijëve , është mbajtës i familjes katër anëtarësh, i pa punë , i gjendjes e varfër ekonomike, pranimin e vullnetshëm të

fajësisë nga i akuzuari , sjelljen korrekte të akuzuarit në gjykim ,pendimin e tij dhe premtimin se ne te ardhmen nuk do te kryej veprat e tilla të cilat rrethana ndikuan që Gjykata ti zbatoi dispozitat e zbutjes së dënimit të parapara me nenin 75 të KPRK-së Gjykata të akuzuarit i shqiptoi dënim me burg ne kohëzgjatje prej 3(tre) muajve dhe dënim me gjobë prej 200.00 (dyqind) euro të cilat dënime nuk do të ekzekutohen nëse i akuzuari në afatin prej 1(një) viti te mos kryej ndonjë vepër tjetër penale, me bindje se edhe me këtë dënim do të arrihet qëllimi i dënimit i paraparë nga neni 41 dhe 50 të KPRK-së dhe ky dënim i tillë i shqiptuar sipas bindjes së gjykatës është në proporcion me veprën penale të kryer dhe me rrethanat personale të cilat i posedon i akuzuari.

Vendimi për udhëzimin e palës së dëmtuar në kontest civil për realizimin e kërkesës pasurore juridike, është marr komfor nenit 463 par. 2 të KPPK-së .

Vendimi mbi shpenzimet e procedurës penale dhe paushalli gjyqësor bazohet në dispozitat e nenit 450 par.1dhe 2 nën paragrafi 2.6 te KPPK-së.

Nga sa u tha më lartë u vendos si në dispozitiv të këtij Aktgjykimi .

**GJYKATA THEMELORE NË GJAKOVË,
P.nr. 350/17 më datë 18.09.2017.**

**Sekretarja juridike,
Flutur Nagavci**

**Gj y q t a r j a,
Ilirjana Hoti**

KËSHILLA JURIDIKE: Kundër këtij Aktgjykimi mund të paraqitet ankesë ,në afatin prej **15 ditësh** ,nga dita e marrjes se tij ne dorëzim ,Gjykatës se Apelit ne Prishtinë. Ankesa në kopje të mjaftueshme i dorëzohet kësaj Gjykate.